

醫學辯正

醫學辨正卷三目錄

頭

面

眼

鼻

耳

口舌

咽喉

牙齒

心

脾

肝

肺

腎

胸

乳

腸

腰

腹

手

足

疝氣

淋濁

遺精

陽痿

小便

大便泄瀉

秘結

痔瘡

痢疾

鼻

耳

頭

面

腰

卷二

醫學辨正卷三

山陰張學醇筱溥編集男克元校訂

頭

頭爲天谷以藏神、腦爲髓海、有餘則輕勁多力、不足則腦轉耳鳴、脢疫眩冒、目無所見、其病也。雖有正頭痛、偏頭痛、風寒頭痛、濕熱頭痛、厥逆頭痛、痰厥頭痛、氣厥頭痛、濕厥頭痛、熱厥頭痛、真頭痛、醉後頭痛之分、治法仍不外乎寒熱兩門、分之清、則立見其效也。

內外惡寒者追風湯

川芎二錢

附子二錢

羌活三錢

當歸三錢

防風二錢

白芷二錢

內外發熱者清心瀉火湯

柴胡五錢

黃芩三錢

黃連一錢

石膏一兩

甘草二錢

澤瀉三錢

內寒外熱者麻葛湯

麻黃二錢

苦杏仁三錢

當歸三錢

葛根三錢

滑石八錢

甘草二錢

內熱外寒者芎翹湯

赤川芎二錢

羌活一錢

防風三錢

正蘇連翹三錢

梔子二錢

黃連一錢

如藥力一時不能上達令病人仰卧以藥滴入鼻內上吸
宗成入腦立時便愈左痛滴左右痛滴右兩邊俱痛則兩孔
空空俱滴或以藥末吸入亦效

面

經云人之十二經脉三百六十五絡其血氣皆上於面而走空竅其精陽氣上走於目而爲睛其別氣走於耳而爲聽其宗氣上出於鼻而爲臭其濁氣出於胃走唇舌而爲味其氣之津液皆上薰於面而皮又厚其肉堅故能耐寒暑而不衣五藏六府之有病皆上現於面而分寒熱面黃目青面黃目赤面黃目黃面黃目白面黃目黑者皆不死面青目赤面赤目白面青目黑面黑目白面赤目青皆死也此相五色之奇脉也面上之病或腫或生瘡癧痄腮痘瘍均按其部位分寒

熱而治之。

寒氣凝結硬而不腫者麻黃細辛湯

麻黃二錢

細辛一錢

防風三錢

白芷二錢

當歸二錢

川芎一錢

熱氣紅腫者犀角地黃湯

犀角二錢

地黃八錢

葛根三錢

羚羊角二錢

黃連一錢

甘草二錢

外紅腫心中惡寒者表裏雙解湯

滑石五錢

生地八錢

甘草二錢

麻黃二錢

苦杏仁三錢

烏梅三錢

外惡寒而內煩燥發熱者補肺清心湯

防風三錢

白芷一錢

細辛一錢

黃連一錢

連翹三錢

梔子一錢

眼

大惑論曰五藏六府之精氣皆上注於目而爲之精精之窠爲眼骨之精爲瞳子筋之精爲黑眼血之精爲絡其窠氣之

精爲白眼、肌肉之精爲約速、裏擷筋骨、血氣之精而與脉并爲系、上屬於腦、後出於項中、故邪中於項、因逢其身之虛、其入深則隨眼系以入於腦、則腦轉、腦轉則引目系急、目系急則目眩以轉矣、邪中其精、其精所中不相比也、則精散、精散則視岐、視岐見兩物、目者五藏六府之精也、營衛魂魄之所常瑩、神氣之所常生也、故神勞則魂魄散、志意亂、是故瞳子黑眼法於陰、白眼赤脉法於陽也、故陰陽合傳而精明也、目者心之使也、心者神之舍也、故神精亂而不轉、卒然見非常。

之處、精神魂魄散不相得、故曰惑也。

五藏六府之精氣、皆上注於目、其病也、或因於寒、或傷於熱、乃一定之理。楊士瀛、李挺所說、眼科無寒症、皆一偏之見。張景岳云、眼科一證、古人有五輪八癧七十二證之辨、皆非切當之論、徒資惑亂、不足爲憑、但當辯其虛實二字、足以盡之。此語似屬切當、然須分十二經之虛實、方能合拍、否則終不能著手成春。眼科無寒症、何足爲憑耶。

內外俱熱者滋陰降火湯

地黃

八錢

白頭翁

二錢

丹皮

三錢

石決明

五錢

黃連

一錢

山楂

三錢

桑葉

三錢

內外俱寒者麻黃細辛湯

麻黃

二錢

桂枝

三錢

苦杏仁

二錢

細辛

二錢

半夏

三錢

防風

三錢

外熱內寒者清肺補心湯

生地

八錢

桑白皮

三錢

桑葉

五錢

遠志二錢 麻黃二錢 益母草三錢

外寒內熱補肺清心湯

白芷三錢 防風三錢 桂枝一錢

菊花三錢 石決明三錢 黃連一錢

內外惡寒發熱者表裏雙解湯

細辛二錢 遠志三錢 菊花三錢 桑葉三錢

白芷二錢 麻黃一錢 石決明三錢 前胡三錢

鼻

肺開竅於鼻、肺和則鼻知香臭、肺有病則鼻爲之不利、重則有鼻淵、鼻痔之病、

有餘者清肺降火湯

石膏

八錢

黨參

五錢

甘草

二錢

丹皮

三錢

知母

二錢

貝母

二錢

脾胃有寒者加白朮
肝腎有寒者加當歸

不足者補肺益氣湯

細辛

二錢

白芷

三錢

防風

三錢

乾薑一錢 半夏二錢 白朮三錢

脾胃有熱者加生地 心肝有熱者加黃芩

鼻淵者、鼻涕津津不已、又名爲腦漏、鼻痔者、鼻中生肉、滯塞鼻竅、又爲鼻鼈、除服藥清理外、再用外治、以除其根、熱用冰片輕粉寒、用細辛麝香末、以綿裹塞鼻中、其肉自落、

耳

耳爲腎之竅、腎經之有餘不足、皆能令其病、輕則耳鳴生瘡、重則聾閉不通、陰虛者、當補其水、陽虛者、當補其火、則病自

愈若爲大炮振聾及年老氣血衰弱之聾則當調其虛實而治之非可計日而效也

陰虛者秋石補血湯

秋石二錢

滋石一錢
研末

連翹三錢

地黃一兩

黃柏二錢

甘草二錢

陽虛者蓴蓉補氣湯

肉蓴蓉三錢

破故紙三錢

當歸三錢

石菖蒲三錢

遠志三錢

五味子一錢

千金方治耳聾久不效用大蒜一瓣中剜一孔以巴豆二

粒去皮膜火炮極熱入蒜內用新棉包定塞耳中三次

而愈此治陽虛則可陰虛則非徒無益而有害焉方書

多半不分陰陽以致有效有不效千金尙如此何論其

他余反其意曰以冰片磁石塞耳內可治陰虛之耳聾

口舌

金匱真言論曰中央黃色入通於脾開竅於口藏精於脾故病在舌本舌和則知五味

口舌生瘡宜分寒熱卽明係火症他經有寒者則當加以
溫藥不可悉用涼藥舌腫熱用冰片敷之寒則刺出其
血卽愈如舌卷囊縮乃不治之症也舌爲心之苗關係
甚重若以之識五藏六府之症則不確查內經並無看
舌苔之明文後人以舌苔白者爲寒紅者爲熱每見大
熱症而苔亦有白者現在時醫專看舌苔能無錯誤舌
爲心之苗以之認心經之寒熱則可以之認別經之寒
熱則不可也

內外俱熱者加味白虎湯

石膏八錢

生地八錢

甘草二錢

知母三錢

連翹三錢

梔子二錢

內外俱寒者大青龍湯

麻黃二錢

細辛一錢

桂枝三錢

石膏五錢

半夏三錢

乾薑一錢

外熱內寒者補心清胃湯

天花粉五錢

丹皮三錢

甘草二錢

遠志三錢 乳香一錢 没藥一錢

外寒內熱者補肺益心湯

荆芥三錢 半夏三錢 白芷三錢

黃芩三錢 槐子二錢 連翹三錢

內外惡寒發熱者表裏雙解湯

苦參三錢 乳香二錢 丹皮三錢 黃耆五錢

黃連一錢 没藥一錢 天花粉三錢 赤石脂三錢

咽喉

咽喉者水穀之道氣之所以上下者也其病也頃刻可以傷命古人以喉痺有十八證之辨均指爲相火後人亦有識其有寒症者或遲疑而不敢用或用之而病家惑於相火之說而不敢服誤人性命者多矣患此症者或失音不能言或腫痛閉塞而不能進飲食皆屬危症用輕緩之藥雖對症亦不濟事須用性味俱重之藥方可轉危爲安藥力之猛以大黃巴豆冰片麻黃爲最善用之可以定亂於頃刻醫者將此四藥各研細末帶在身邊遇有喉症肺胃寒者用巴豆肝心寒

者用麻黃、肺胃熱者用冰片、肝心熱者用火黃、心肝寒肺胃
熱者用麻黃冰片、心肝熱肺胃寒者用巴豆大黃以藥吹入
喉內吐出痰涎立時卽解然後再用湯藥以善其後、昔孫兆
治潘元從急喉以藥半錢吹入喉中少頃吐出膿血而愈、潘
謝以百金求其方以濟世孫云猪牙皂角白礬黃連等分瓦
上焙乾爲末耳既授以方不受所贈此藥性味與大黃巴豆
同故能立效若外熱內寒之症下咽則立斃矣用藥可不慎
哉耳鼻之症認清寒熱以此藥吹入亦愈也

內外俱熱者清涼散

黃連一錢

梔子二錢

連翹三錢

生地八錢

丹皮三錢

甘草一錢

內外俱寒者去風湯

防風三錢

薄荷三錢

當歸一錢

細辛一錢

川芎一錢

蘇葉一錢

外熱內寒者清肺補心湯

丹皮三錢

滑石五錢

甘草一錢

當歸三錢

遠志二錢

橘皮二錢

外寒內熱者清心補肺湯

川芎二錢

防風三錢

半夏二錢

牛旁子三錢

馬勃二錢

連翹二錢

內外惡寒發熱者表裏雙解湯

黃連一錢

丹皮三錢

半夏三錢

何首烏三錢

梔子二錢

生地五錢

桂枝三錢

厚樸二錢

牙齒

齒者骨之餘、上古天真論曰、女子七歲腎氣盛、齒更髮長、三七盛氣平均、故真牙生而長極、丈夫八歲腎氣實、髮長齒更、三八腎氣平均、筋骨勁強、故真牙生而長極、五入腎氣衰、髮墮齒槁、八入則齒髮去矣、是牙齒之堅固不堅固、關乎腎氣之盛衰、而手陽明之脈、從缺盆上貫頸頰、入下齒中、動則病齒痛、頸腫、足陽明之脈、下循鼻外、上入齒中、齒雖腎之餘、然關乎胃與大腸、胃與大腸之寒熱、皆能令齒病、又加小兒喜食甘甜之物、土壯則水、故能令齒病、又甘甜濕熱、化生牙

蟲以蝕牙根而牙亦痛治此者以殺蟲爲主殺蟲之方甚多而效者甚少以不分寒熱故耳南方有挑牙蟲者有挑之而永遠不發者有挑之而仍發者大約不戒甘甜則仍發耳

內外俱熱者清心涼膈湯

石膏一兩

生地一兩

黃柏三錢

知母三錢

秋石五分

甘草一錢

內外俱寒者附子理中湯

附子三錢

桂枝三錢

當歸二錢

細辛一錢

烏梅二錢

內從蓉二錢

外熱內寒者清胃補肝湯

滑石八錢

生地八錢

丹皮三錢

苦杏仁二錢

五味子五分

旋覆花二錢

外寒內熱者補胃瀉肝湯

草撥二錢

細辛一錢

防風三錢

連翹三錢

苦參三錢

牡蠣八錢

內外惡寒發熱者內外兩解湯

桂枝三錢 黃耆五錢 繢斷二錢 破故紙三錢

梔榔三錢 澤瀉三錢 地骨皮二錢 犃片角三錢

齒病塗擦方

寒重者香椒散

香附子二錢 川椒一錢 破故紙五錢 菖撥一錢

乳香一錢 没藥一錢 細辛一錢 麻黃一錢

鹽一錢

共研爲末每日擦之病除而止

熱重者清胃散

生石膏一兩 鹽一錢 研末擦之

外熱內寒者清胃補腎散

生石膏一兩 天花粉五錢 破故紙五錢 陽起石五錢

共研細末擦之

外寒內熱者溫胃清腎散

赤石脂五錢 白芷三錢 胡椒二錢

牡蠣五錢 桑螵蛸五錢 白礬一錢

其研細末擦之以上擦牙各藥病好卽止

心

經云心有小大高下堅脆端正偏傾之別赤色小理者心小
麤理者心大無髑骸者心高髑骸小短舉者心下髑骸長者
心堅髑骸弱小而薄者心脆髑骸直下不舉者心端正髑骸
倚一方者心偏傾也心小則易傷以憂心大則憂不能傷心
高則滿於肺中惋而善忘難開以言心下則易傷於寒易恐
以言心堅則藏安守固心脆則善病消癰熱中心端正則和
利難傷心偏傾則操持不一無守司也心實則胸中痛脇支

滿、脇下痛、膺背肩脾間痛、兩臂內痛、心虛則胸腹大脇下與腰背相引而痛、心應脈、皮厚者脈厚、脈厚者小腸厚、皮薄者脈薄、脈薄者小腸薄、皮緩者脈緩、脈緩者小腸大而長、皮薄而脈冲小者、小腸小而短、諸陽經脈皆多行屈者、小腸結心、脉急甚者爲癥癰、微急爲心痛、引背食不下、緩甚爲狂笑、微緩爲伏梁在心下、上下行、時唾血、大甚爲喉吟、微大爲心痺、引背善淚出、小甚爲善噦、微小爲消癉、滑甚爲善渴、微滑爲心痴引臍、小腸鳴、濇甚爲瘡、微濇爲血溢、維厥耳鳴、癲疾。

有餘者三黃湯

二錢

黃芩 三錢

黃柏 三錢

不足者補氣湯

遠志 三錢

當歸 三錢

厚樸 一錢

脾

心

腎

脾有小大高下堅脆端正偏傾之別黃色小理者脾小粗理者脾大揭唇者脾高唇下縱者脾下唇堅者脾堅唇大而不堅者脾脆唇上下好者脾端正唇偏舉者脾偏傾也脾小則

藏安難傷於邪也、脾大則苦湊眇而痛、不能疾行、脾高則眇引季脇而痛、脾下則下加於大腸、下加於大腸、則藏苦受邪、脾堅則藏安難傷、脾脆則善病消癰易傷、脾端正則和利難傷、脾偏傾則善滿善脹也、脾氣虛則四肢不用、五藏不安實則腹脹、涇溲不利、脾應肉、肉膶堅大者胃厚、肉膶靡者胃薄、肉膶小而靡者胃不堅、肉膶不稱身者胃下、胃下者下脘約不利、肉膶不堅者胃緩、肉膶無小裹累者胃急、肉膶多少裹累者胃結、胃結者上脘約不利也、脾脉急甚爲瘻癰、微急爲

膈中飲入而還出後沃沫緩甚爲痿厥微緩爲風痿四肢
不用心慧然若無病大甚爲擊仆微大爲痁氣腹裏大膿血
在腸胃之外小甚爲寒熱微小爲消癰滑甚爲瘻微滑爲蟲
毒蛇蝎腹熱濇甚爲腸癢微濇爲內癢多下膿血

有餘者清胃湯

滑石一兩

甘草二錢

不足者補脾飲

黃耆五錢

白朮五錢

肝

肝有小大高下堅脆端正偏傾之別、青色小理者肝小、粗理者肝大、廣胸反駁者肝高、合脇免駁者肝下、胸脇好者肝堅、脇骨弱者肝脆、膺腹好相得者肝端正、脇骨偏舉者肝偏傾也、肝小則藏安無脇下之痛、肝大則逼胃迫咽、迫咽則苦膈中、且脇下痛、肝高則上支賾切、脇悵爲息賾、肝下則逼胃脇下空、脇下空則易受邪、肝堅則藏安難傷、肝脆則善病消癉、易傷、肝端正則和利難傷、肝偏傾則脇下痛也、肝實則兩脇

下痛引小腹、善怒、虛則目睭睭無所見、耳無所聞、善恐、如人
將捕之、肝應爪、爪厚色黃者膽厚、爪薄色紅者膽薄、爪堅色
青者膽急、爪濡色赤者膽緩、爪直色白無約者膽直、爪惡色
黑多紋者膽結也、肝脉急甚者爲惡言、微急爲肥氣在脇下
若覆杯緩甚爲善嘔、微緩爲水瘕、大甚爲內癰、善嘔、
微大爲肝痺、陰縮、欬引小腹、小甚爲多飲、微小爲消瘅、滑甚
爲癩疝、微滑爲遺溺、濇甚爲溢飲、微濇爲瘻、攣筋痺、
有餘者清肝飲

山楂五錢

黃連一錢

秋石五分

不足者溫膽湯

五味子一錢 附片三錢

當歸三錢 乾薑二錢

肺

肺有小大高下堅脆端正偏傾之別、白色小理者肺小粗理者肺大、巨肩反膺陷喉者肺高、合腋張脇者肺下、好肩背厚者肺堅、肩背薄者肺脆、背膺厚者肺端正、脇偏疎者肺偏傾

也肺小則少飲不病喘喝肺大則多飲善病胸痺喉痺逆氣
肺高則上氣息肩欬肺下則居貢迫肺善脇下痛肺堅則不
病欬上氣肺脆則苦病消癰易傷肺端正則和利難傷肺偏
傾則胸偏痛也肺氣虛則鼻息不利少氣實則喘喝憑胸仰
息肺應皮皮厚者大腸厚皮薄者大腸薄皮緩腹裏大者大
腸大而長皮急者大腸急而短皮滑者大腸直皮肉不相離
者大腸結肺脉急甚爲嶺疾微急爲肺寒熱怠惰欬唾血引
腰背胸苦鼻息肉不通緩甚爲多汗微緩爲鼠瘻偏風頭以

下汗出不可止大甚爲脛腫微大爲肺癰引胸背起惡日光
小甚爲泄微小爲消癰滑甚爲息竇上氣微滑爲上下出血
濇甚爲嘔血微濇爲鼠瘻在頸支腋之間下不勝其上其應
善瘦矣

有餘者清肺湯

石膏二兩

生地一兩

甘草四錢

不足者益氣飲

乾薑二錢

白芷三錢

白朮三錢

腎

腎有小大高下堅脆端正偏傾之別、黑色小理者腎小粗理者腎大、高耳者腎高、耳後陷者腎下、耳堅者腎堅、耳薄不堅者腎脆、耳好前居牙車者腎端正、耳偏高者腎偏傾也、腎小則藏安難傷、腎大則善病腰痛、不可以俛仰、易傷以邪、腎高則苦背膂痛、不可俛仰、腎下則腰尻痛、不可俛仰、爲狐疝、腎堅則不病腰背痛、腎脆則苦病消癰易傷、腎端正則和利難傷、腎偏傾則苦腰尻痛也、腎實則腹大脰腫、喘咳身重寢汗

出憎風虛則胸中病、大腹小腹痛、清厥意不樂、腎應骨密理厚皮者三、焦膀胱厚粗理薄皮者三、焦膀胱薄疎腠理者三、焦膀胱緩皮急而無毫毛者三、焦膀胱急毫毛美而粗者三、焦膀胱直稀毫毛者三、焦膀胱結也、腎脉急甚爲骨癩疾、微急爲沉厥、奔豚足不收不得前後、緩甚爲折脊、微緩爲洞、洞者食不化、下嗌還出、大甚爲陰痿、微大爲石水、起臍以下至小腹腫脹然上至胃脘死不治、小甚爲洞泄、微小爲消瘅、滑甚爲癃瀆、微滑爲骨痿、坐不能起、起則目無所見、濇甚爲大

癰微濇爲不月沉痔

有餘者滋腎湯

生地黃八錢

羚羊角一錢

秋石五分

淫羊藿三錢

丹皮三錢

知母三錢

不足者補腎湯

肉蓯蓉三錢

附子二錢

陽起石三錢

遠志三錢

鹿角霜三錢

五味子五分

經云五藏皆小者苦焦心多愁憂五藏皆大者緩於事難使

以憂、五藏皆高者、好高舉措、五藏皆下者、好出人下、五藏皆堅者、無病、五藏皆脆者、不離於病、五藏皆端正者、和利得人心、五藏皆偏傾者、邪心而善盜、不可以爲人也、

胸

胸腹者、藏府之郭也、人之呼吸所經、飲食所過、一有失節、則生疾病、滿而不痛者爲痞、滿而痛者爲結胸、仲景曰、傷寒病發於陽而反下之、熱入因作結胸、病發於陰而反下之、因作痞、所以成結胸者、以下之太早故也、愚謂結胸一症、亦須分

十一經之寒熱方可無誤，豈因本有內熱而下之太早，遂成
結胸耶？此乃不當下而下之耳。

內外俱熱者陷胸湯

大黃三錢

芒硝一錢

葶藶子三錢

杏仁三錢

甘遂五分

白密二錢

內外俱寒者薑附湯

乾薑二錢

附子二錢

桂枝三錢

厚樸一錢

陳皮三錢

巴豆霜三分

心肝熱肺胃寒者半夏瀉心湯

半夏三錢

乾薑二錢

甘草一錢

大黃二錢

黃連二錢

黃芩三錢

肺胃熱胸中寒者麻杏石甘湯

麻黃三錢

苦杏仁五錢

石膏一兩

甘草二錢

內外惡寒發熱者陰陽雙解湯所謂內外有寒熱乃身熱如炭而又見風怕冷心中則忽寒忽熱此乃府寒藏熱表裏皆

病之症，故宜雙解。

大黃

二錢

石膏

八錢

澤瀉

三錢

芒硝

二錢

厚樸

三錢

桂枝

三錢

白朮

三錢

附子

二錢

乳

乳爲腎之根本，婦人所尤重也。前人治乳，多半以清涼爲主，一遇結核，奶巖之症，無不束手。林屋山人云：紅者爲癰，白者爲疽。乳岩初起之時，不痛不痒，二三年後，愈長愈大，漸漸腫痛，臭爛孔深，亦有初起色白，堅硬一塊，作痛，此係陰疽，最爲

險惡此由哀哭憂愁患難驚恐所致治宜陽和湯此論實爲治癰疽之要訣惟不知十二經之寒熱用藥尙未能絲絲入扣耳

紅腫者清涼散

連翹五錢 金銀花五錢 梔子三錢

澤瀉三錢 滑石六錢 白甘草二錢

色白堅硬者陽和湯

麻黃二錢 地黃五錢 甘草一錢 內桂一錢

鹿角膠 三錢 白芥子 二錢 炮薑炭 五分

外寒內熱者補脾清肝飲

半夏 三錢 黃耆 五錢

荆芥 三錢

連翹 三錢 桔子 三錢

龍膽草 二錢

外熱內寒者護心清肺湯

乳香 二錢 没藥 二錢 當歸 三錢

丹皮 三錢 天花粉 三錢 綠豆粉 八錢

內外惡寒發熱者雙解飲

乳香二錢

沒藥一錢

荆芥三錢

烏梅二錢

黃連一錢

黃柏三錢

丹皮三錢

白礬五分

脇

肝膽之脉布脇肋、經云、肝病者、兩脇下痛引少腹、令人善怒、肝有邪其氣流於兩脇、肝雍兩胠滿、臥則驚、不得小便、傷寒三日少陽受之、少陽主膽、其脉循脇絡於耳、故胸脇痛而耳聾、肝熱病者、熱爭則狂言及驚、脇滿痛、手足躁、不得安、臥寒氣客於厥陰之脉、則血泣脈急、故脇肋與少腹相引痛矣、風

寒客於人弗治則病入舍肺弗治卽傳而行之肝名曰肝痺
脇痛出食少陽之厥暴聾頰腫而熱脇痛脈不可以運有病
胸脇支滿者妨於食病至則先聞腥臊臭出清液先唾血四肢
清目眩時時前後血病名曰血枯此得之年少時有所大
脫血若醉入房中氣竭肝傷故月事衰少不來也治以烏賊
魚骨丸歲厥陰在泉風淫所勝民病心痛支滿兩脇裏急飲
食不下歲陽明在泉燥淫所勝民病心脇痛不能反側厥陰
司天民病胃脘當心而痛上肢兩脇膈咽不通飲食不下少

陰司天、熱淫所勝、民病胸中煩熱、右胠滿、陽明司天、民病左胠脇痛、心脇暴痛、不可反側、厥陰之勝、胃脘當心而痛、上支兩脇、太陰之勝、病在胠脇、陽明之勝、清發於中、左胠脇痛、陽明之復、清氣大來、病生胠脇、氣歸於左。

熱盛者左金丸

黃連

八錢

吳茱萸

一錢

山楂

三錢

秋石

二錢

共研細末密和爲丸、每服一錢

寒盛者烏梅丸

烏梅一兩
當歸五錢

烏賊魚骨一兩
天南星三錢

共研爲末和丸每服一錢

腰
脇痛一症、肝膽二經爲最多、故立二方、以治本經、如脈象連及他經、則隨經加藥以治、若房勞過度、肝腎俱病、則當求其虛實而治之、大匠能與人規矩、不能使人巧、神而明之、存乎其人也、

腰者腎之府、轉搖不能、腎將憊矣、腎脉搏堅而長、其色黃而赤者、當病折腰、

足太陽腰痛、令人引項脊尻背如重狀、痛引肩目、盪盪然時遺溲、痛如引帶、常如折腰狀、善恐甚則悲、

熱甚者清火湯

牡蠣一兩 黃柏一二錢 牛膝三錢

石斛三錢 知母二錢 甘草一錢

寒甚者補氣湯

破故紙二錢

內蓯蓉一錢

續斷二錢

核桃仁四錢

乾薑一錢

黃耆三錢

少陽腰痛，令人如以鍼刺其皮中，循循然，如不可以俛仰，不可以顧，不可以咳，咳則筋縮急。

熱甚者龍膽瀉肝湯

龍膽草三錢

山楂三錢

澤瀉三錢

秋石五分

秦艽三錢

甘草二錢

寒甚者溫膽湯

烏梅 三錢

杜仲 三錢

五加皮 三錢

破故紙 三錢

核桃肉 五錢

乾薑 一錢

陽明腰痛，令人不可以顧，顧如有見者，善悲，令人腰痛而熱，而生煩，腰下如有橫木居其中，甚則遺洟。

熟甚者加味白虎湯

石膏 一兩

甘草 二錢

黃柏 三錢

知母 三錢

生地 八錢

麥冬 一錢

寒甚者溫胃湯

寒
黃耆二錢

砂仁一錢

荳蔻一錢

陳皮三錢

當歸三錢

川芎二錢

少陰腰痛，令人痛引脊內廉，目睭睭然，甚則反折舌卷不能

言。

熱甚者玉女煎

石膏一兩

麥冬三錢

牡蠣二兩

生地一兩

知母五錢

黨參二錢

寒盛者補腎湯

肉蓯蓉 五錢 五加皮 三錢 乾薑 一錢

附子 三錢

杜仲 五錢

白朮 二錢

厥陰腰痛、令人腰中如張弓弩弦、其病令人善言、囁嚅然不
慧、不可以俛仰、

熱甚者瀉肝湯

山楂 三錢

黃連 一錢

澤瀉 三錢

黃芩 一錢

秋石 五分

青棗 一個

寒甚者溫膽湯

木瓜三錢

五味子五分遠志三錢

附子三錢

黃耆三錢

乾薑一錢

太陰腰痛令人痛引少腹控脅不可以仰息

熱甚者清肺湯

丹皮三錢

滑石八錢

甘草二錢

生地入鑊

石斛三錢

桑白皮三錢

寒甚者補脾飲

桂枝三錢

黃耆五錢

破故紙三錢

乾薑一錢 白朮三錢 核桃肉五錢

此就六經腰痛分寒熱以立方若有兼症當憑脈以分其陰陽不可以呆方治病也

腹

舉痛論帝曰願聞人之五藏卒痛何氣使然岐伯曰經脈流行不止環周不休寒氣入經而稽遲泣而不行客於脉外則血少客於脉中則氣不通故卒然而痛帝曰其痛或卒然而止者或痛甚不休者或痛甚不可按者或按之而痛止者或

按之無益者、或喘動應手者、或心與背相引而痛者、或脇肋與少腹相引而痛者、或腹痛引陰股者、或痛宿昔而成積者、或卒然痛死不知人、少間復生者、或痛而嘔者、或腹痛而後泄者、或痛而閉不通者、凡此諸痛各不同形別之柰何、岐伯曰、寒氣客於脈外則脈寒、脈寒則縮、縮緼則脈絀、急絀急則外引小絡、故卒然而痛、得炅則立止、因重中於寒、則痛久矣、寒氣客於經脈之中、與炅氣相薄則脈滿、滿則痛而不可按也、寒氣稽留、炅氣從上則脈充大而血氣亂、故痛甚不可

按也、寒氣客於腸胃之間、膜原之下、血不得散、小絡急引故痛、按之則血氣散、故按之痛止、寒氣客於挾脊之脈則深、按之不能及、故按之無益也、寒氣客於衝脈、衝脈起於關元、隨腹直上、寒氣客則脈不通、脈不通則氣因之、故喘動應手矣、寒氣客於背俞之脈則脈泣、脈泣則血虛、血虛則痛、其俞注於心、故相引而痛、按之熱氣至、熱氣至則痛止矣、寒氣客於厥陰之脈、厥陰之脈者、絡陰氣繫於肝、寒氣客於脈中則血泣、脉急、故脇肋與少腹相引痛矣、厥氣客於陰股、寒氣上及

少腹血泣在下相引故腹痛引陰股寒氣客於小腸膜原之間絡血之中血泣不得注於大經血氣稽留不得行故宿昔而成積矣寒氣客於五藏厥逆上泄陰氣竭陽氣未入故卒然痛死不知人氣復反則生矣寒氣客於腸胃厥逆上出故痛而嘔也寒氣客於小腸小腸不得成聚故後腹痛矣熱氣留於小腸腸中痛癰熱焦渴則堅乾不得出故痛而閉不通矣

寒痛者溫中薑附湯

乾薑二錢

附子三錢

白朮三錢

桂枝三錢

厚樸二錢

五味子一錢

熱痛者清火芩芍湯

黃芩三錢

枳實一錢

澤瀉三錢

芍藥三錢

梔榔一錢

猪苓三錢

手

四肢爲諸陽之本、陽盛則熱、陽虛則寒、經云、掌中熱者腹中
熱、掌中寒者腹中寒、太過不及、均令人病、中風之症、必先從

手指麻木、起初覺之時、卽按其虛實而調理之、便不致大病、
所謂治未病也、若俟其病發而治之、十無一愈、卽有愈者、亦
屬帶疾延年、余曾治一手指麻木之症、用玉女煎、旁一友人、
亦明醫者、詫曰、指麻乃中風之漸、而桂枝防風等去風之藥、
一味不用、不解何意、余曰、此係風熱、非風寒也、若用溫藥、是
速其病也、病者曰、余服桂枝、則麻更甚、向來體氣喜冷惡熱、
遂服玉女煎而愈、中風一症、古來醫家悉以爲風初起之時、
未常不可治、而所用之藥、無非溫熱、不治尚可治、則更甚于

指雖非心腹之疾所關甚大其可忽哉

熱盛者清心涼膈散

黃連二錢

黃芩二錢

甘草二錢

石膏八錢

生地八錢

桑枝二兩

寒盛者桂附補氣湯

桂枝五錢

附子三錢

白朮三錢

夜交藤五錢

五加皮三錢

木瓜三錢

有兼症者另行加減

足

足爲一身之主、足有病則不能行。經云：久走傷筋、久立傷骨、足之病不外乎肝腎兩經。以筋屬肝、骨屬腎也。經云：濕熱不攘、大筋縶短、小筋弛長。縶短爲拘、弛長爲痿。所謂縶短者、大筋受熱、則縮而短、故拘攣而不伸。所謂弛長者、小筋受濕而引長、故痿弱而無力。是筋之寒熱偏盛、皆爲足之病。後人名之曰：腳氣是也。

受熱者枳實清火湯

枳實三錢

大黃二錢

牡蠣二兩

山楂三錢

羚羊角二錢

澤瀉三錢

受寒者木瓜去濕湯

木瓜八錢

當歸二錢

何首烏三錢

川椒一錢

附子二錢

乾薑一錢

筋熱骨寒者補腎涼肝湯

破故紙五錢

核桃肉五錢

附子一錢

黃柏三錢

山楂三錢

牛膝三錢

筋寒骨熱者溫肝清腎湯

木瓜五錢 五味子一錢

牡蠣一二兩 秋石五分

疝

經云小腹痛不得大小便病名曰疝得之寒疝者寒氣結聚之所爲也疝者睾丸連小腹急痛也又云肝脉滑甚爲癆疝心脉微滑爲心疝腎肝滑甚爲癆疝滑爲陽氣盛微有熱已指明疝有寒熱當分陰陽而治

醫學辨正 卷三
寒疝宜用烏頭桂枝湯

烏頭五錢 乾薑二錢 吳茱萸二錢

桂枝三錢 胡椒二錢 巴豆霜三分

熱疝宜用龍膽瀉肝湯

龍膽草三錢 澤瀉三錢 車前子三錢

柴胡三錢 地黃八錢 甘草二錢

外熱內寒者歸芍湯

當歸三錢 厚樸三錢 木瓜三錢

芍藥 三錢

滑石 八錢

甘草 二錢

外寒內熱者瀉心湯

半夏 三錢

乾薑 一錢

白朮 三錢

連翹 三錢

知母 三錢

黃柏 三錢

內外惡寒發熱者宜陰陽雙解湯

麻黃 二錢

丁香 一錢

木通 三錢

猪苓 三錢

陳皮 三錢

茴香 二錢

車前子 三錢

澤瀉 三錢

淋濁

淋之爲病、小便痛澁滴瀝、欲去不去、欲止不止者、是也、濁則
下凝如膏糊、或如米泔、或如粉糊、或如赤膿者、是也、經云思
想無窮、所願不得意、淫於外、入房太甚、宗筋弛縱、發爲筋痿、
及爲白淫、白淫卽淋濁也、

陽虛者薑附湯

乾薑二錢

附子三錢

白朮三錢

當歸三錢

麻黃二錢

木瓜三錢

陰虛者導赤散

生地八錢

澤瀉三錢

車前子三錢

梔子三錢

黃芩三錢

甘草二錢

肝熱胃寒者附子瀉心湯

附子二錢

乾薑一錢

防風三錢

火搗大黃二錢

黃芩三錢

黃柏三錢

心寒肺熱者麻黃薏苡湯

麻黃二錢

薏苡一兩

苦杏仁五錢

甘草二錢

遺精

遺精一症、有有夢而遺者、有無夢而遺者、有夢而遺者、乃少年多慾之人、或心有妄思、或外有妄遇、以致君火搖於上、相火熾於下、則水不能藏、而精隨以泄、是火旺也、無夢而遺者、乃陽虛不固、思慮勞倦、精滿而溢、是水旺也、人之體氣、陰陽和平者無病、一有偏盛卽病、旦旦而伐之、固患水虧火旺之症、久節房事、而服滋陰補血之藥、則水盛火衰、而患陽虧之矣、此乃陰陽之大道、知之則強、不知則弱也、

有夢而遺者清心降火湯

地黃一兩 知母三錢 黃柏二錢

天冬二錢 麥冬二錢 秋石五分

無夢而遺者扶陽補氣湯

破故紙五錢 核桃肉五錢 龍骨三錢

附子二錢 肉蓯蓉三錢 五味子一錢

外熱內寒而遺者清肺補心湯

黨參五錢 石斛三錢 丹皮三錢

遠志 三錢

陳皮 三錢

荔枝肉 三錢

外寒內熱而遺者補肺益心湯

黃耆 三錢

白朮 三錢

白芷 三錢

牡蠣 二兩

知母 三錢

黃柏 三錢

府寒藏熟表裏皆虧者十全大補湯

附子 二錢

黨參 五錢

高麗參 三錢

肉蓯蓉 二錢

肉桂 二錢

尤 三錢

丹參 三錢

鹿角膠 二錢

知母 三錢

貝母 二錢

龜膠 二錢

鱉膠 二錢

陽痿

經云足厥陰之筋病陰器不用傷於內則不起傷於寒則陰縮入傷於熱則縱挺不收是陽痿亦宜分寒熱而治不可以陽痿爲命門火衰而專用溫補也

陽虛者溫腎補氣丸

肉蓯蓉二兩 巴戟天四兩 龍骨三兩

破故紙二兩 五味子二兩 陽起石二兩

附子二兩

乾薑二兩

遠志四兩

共和爲丸每服三錢淡鹽湯下

陰虛者還少丹

地黃四兩

枸杞二兩

淫羊藿四兩

山藥二兩

牛膝二兩

澤瀉二兩

黃柏三兩

知母二兩

秋石一兩

共和爲丸

腎虛肺熱者補腎潤肺丸

黨參四兩

丹皮四兩

桑白皮二兩

淫羊霍四兩 遠志二兩 肉蓴蓉三兩

陽起石二兩 鹿角膠二兩 烏賊魚骨二兩

共和爲丸

肺寒腎熱者補肺滋腎丸

巴戟天四兩 蛇床子二兩 五加皮二兩

川芎二兩 羚羊角一兩 地骨皮二兩

龜板膠二兩 鱉甲膠二兩

共和爲丸

內外忽寒忽熱藏府皆病者十全大補丸

黃耆四兩 破故紙二兩 桑螵蛸二兩 繢斷二兩

黨參四兩 山藥四兩 海螵蛸三兩 丹參三兩

烏梅二兩 山楂二兩 何首烏三兩 元參三兩

共和爲丸

小便

熱結膀胱不通者清心飲

猪苓三錢 茯苓三錢 澤瀉三錢

滑石 五錢

甘草 二錢

黃芩 三錢

寒氣凝結癃閉者補氣湯

陳皮 五錢

遠志 三錢

五味子 一錢

附子 三錢

桂枝 三錢

白朮 三錢

小便遺尿者尿出不自知也

陽虛者補氣湯

肉蓯蓉 三錢

當歸 一錢

免絲子 二錢

蛇床子 一錢

巴戟天 三錢

烏藥 一錢

陰虛者知柏地黃湯

地黃八錢

澤瀉三錢

丹皮三錢

知母二錢

黃柏一錢

山茱萸三錢

外熱內寒者潤肺補腎湯

桑白皮三錢

滑石五錢

甘草二錢

桃仁三錢

當歸二錢

陽起石五錢

外寒內熱者補肺滋腎湯

丁香二錢

吳茱萸三錢

五加皮三錢

苦參三錢

木通一錢

蚯蚓一錢

內外惡寒發熱者表裏雙解湯

桂枝三錢

防風三錢

遠志三錢

破故紙三錢

葶苈三錢

滑石五錢

知母三錢

桑螵蛸三錢

腎囊濕痒陰腫等症除按脉之寒熱服藥外另用洗藥

陽虛者乾薑蛇床子煎湯洗

陰虛者白礬甘草煎湯洗

泄瀉

經云虛邪之中人也、留而不去、傳舍於腸胃、多寒則腸鳴飧泄食不化、多熱則溏出糜、是言寒熱也、胃中熱、腸中寒、是言上實下虛也、胃中寒、腸中熱、是言上虛下實也、經訓何等明白、而後人名之曰、濕泄、濡泄、風泄、暑泄、火泄、熱泄、虛泄、飧泄、酒泄、痰泄、食積泄、脾泄、腎泄、脾腎泄、膿泄、洞泄、久泄、頭緒愈多、治法愈難、其實不過寒熱而已、

熱泄者黃連清心飲

黃連二錢 地黃八錢 梔子三錢

芍藥三錢 滑石五錢 甘草二錢

寒泄者桂附補氣湯

桂枝三錢 附子二三錢 乾薑一錢

黃耆五錢 陳皮二錢 厚樸二錢

外熱內寒者當歸澤苓湯

滑石八錢 澤瀉三錢 猪苓二錢

當歸三錢 苦杏仁三錢 金櫻子三錢

外寒內熱者薑連飲

乾薑二錢

白朮三錢

木香一錢

連翹二錢

知母二錢

黃芩二錢

秘結

大便秘結古方書有虛秘風秘氣秘熱秘寒秘濕秘熱燥風燥陽結陰結之說立名太多徒資疑惑所最要者不過陰陽兩結及外寒內熱內寒外熱而已

陽結者承氣湯

大黃三錢

黃連一錢

芒硝二錢

厚樸二錢

枳實三錢

石膏五錢

陰結者烏附散

烏藥二錢

乾薑一錢

桃仁三錢

附子三錢

巴豆霜三分

肉桂二錢

外寒內熱者乾薑大黃湯

乾薑二錢

防風三錢

丁香一錢

大黃三錢

枳實三錢

芒硝一錢

外熱內寒者桃仁花粉湯

桃仁三錢 遠志三錢 厚樸二錢

天花粉三錢 丹皮三錢 澤瀉二錢

痔瘡

痔瘡一症無不起於飢飽勞傷起居不節酒色過度謬云十人九痔重者脫肛形狀不同病名亦異然皆不外乎陰陽之盛衰好酒者戒酒好色者戒色然後再分陰陽以施治自可見效若不肯禁忌則爲終身之累無脫體之時矣

陰虛者涼血地黃湯

地黃八錢

槐花四錢

芍藥三錢

黃柏三錢

知母三錢

甘草二錢

陽虛者補中益氣湯

黃耆五錢

桂枝二錢

遠志二錢

破故紙三錢

核桃肉五錢

乾薑一錢

外熱內寒者補心潤肺湯

丹皮三錢

生地八錢

甘草二錢

何首烏三錢

紫苑三錢

五味子一錢

外寒內熱者補肺益心湯

白芷三錢

赤石脂三錢

黃耆三錢

槐實三錢

黃柏三錢

牡蠣二兩

痢疾

痢疾卽內經之所謂腸澼也。經云：飲食不節、起居不時者，陰受之，陰受之則入五藏。入五藏則腹滿閉塞，下爲飧泄，久爲腸澼。脾脉外鼓沉爲腸澼，久自已。肝脉小緩爲腸澼，易治。腎脉小搏沉爲腸澼，下血，血溫身熱者死。心肝澼亦下血，二藏

同病者可治其脉小沉濇爲腸澼其身熱者死熱見七日死大便赤瓣飧泄脈小手足寒者難已飧泄脈小手足溫者易已陰陽虛腸澼死腎移熱於脾傳爲虛腸澼死泄而脈大脫血而脈實皆難治腸澼便血身熱死寒則生腸澼下白沫脈沉則生脈浮則死腸澼下膿血脈懸絕則死滑大則生腸澼之屬身不熱脈不懸絕者滑大則生懸濇者死

內經重言痢疾之生死則此病之難治可知後世以赤痢爲熱白痢爲寒有赤白痢膿血痢噤口痢休息痢風痢

寒痢、濕痢、虛痢、熱痢、氣痢、積痢、久痢、疫痢、蠱症痢、五色
內痢、裏急後重等名目、治法得失各半、未能盡善、皆由於
未通脉理故耳。

陽虛者附子理中湯

附子三錢 乾薑二錢 當歸三錢

桃仁二錢 陳皮二錢 白朮二錢

陰虛者清心涼膈散

連翹三錢 黃柏三錢 柴子二錢

石膏一兩 甘草二錢 芍藥三錢

外寒內熱者木香黃連湯

木香三錢 乾薑一錢 赤石脂三錢

黃連二錢 黃芩三錢 嬰粟殼三錢

外熱內寒者烏梅滑石湯

烏梅三錢 苦杏仁三錢 陳皮三錢

滑石八錢 甘草二錢 荆薺三錢

內外惡寒發熱者表裏雙解散

草果三錢

丹皮三錢

龍骨三錢

滑石五錢

砂仁二錢

芍藥三錢

赤石脂三錢

黨參三錢

何首烏五錢

黃連二錢

白頭翁一錢

金櫻子三錢

海螵蛸三錢

桑螵蛸三錢

方劑分兩乃示人以規矩、如外寒重者、辛溫之藥宜加、內
熱重者、苦寒之藥宜加、外熱重者、辛涼之藥宜加、內寒
重者、苦溫之藥宜加、亦有病輕、寒熱不現者、須憑脉以
分其陰陽、不可以呆方治病也、